

近代中國史料叢刊第八十二輯

沈雲龍 主編

吳興周夢坡（慶雲）先生年譜

周延祁編

文海出版社  
有限公司印行

不與周考坡文里書

沈海  
題

空與國善坡

克己孝悌

沈嘉祥題



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面



若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



					後	文
				民	傳	亦
				國	今	史
		之	賢	二	蓋	善
		溫	季	十	無	繼
		故	陶	三	疑	善
		齋	序	年	矣	述
			於	十		此
			考	月		作
			試	吳		之
			院	興		足
			待	戴		以
			賢	傳		信
			館			

清	利	譽	經	則	國	儒
同	眾	鄉	營	寶	課	壯
治	淑	邦	務	藏	足	歲
三	人	晚	期	興	以	從
年	自	歲	遠	以	築	賈
迄	淑	以	大	治	路	本
民	可	文	用	絲	則	其
國	謂	史	能	則	行	所
二	兼	自	騰	貿	旅	學
十	之	娛	聲	易	便	以
二	譜	以	江	昌	以	行
年	起	布	海	凡	採	鹽
亦	有	施	載	所	礦	則

					後	文
				民	傳	亦
				國	今	史
		之	賢	二	蓋	善
		溫	季	十	無	繼
		故	陶	三	疑	善
		齋	序	年	矣	述
			於	十		此
			考	月		作
			試	吳		之
			院	興		足
			待	戴		以
			賢	傳		信
			館			





# 序

夢文年譜如十卷結嗣健初  
姻見於文致後之一年至自  
寫完昔會稽章氏謂年譜  
之體仿於宋人考次前人撰  
著譜列生平明事力論世知

人之學文生於太平軍興  
之際卒於民國既建之後  
七十年中世變至烈身雖隱  
退不預時政而國計民生大  
去如整理鹽綱採掘礦苗敷  
設織物絲綢等器絲麻不躬

與其役蓋上海為人文薈  
萃之所以風氣轉變之先  
舉凡革新事固不導源於  
是章自謂經濟史者莫不  
文獻為民年譜不可少  
所謂論世知人之說者此也至

若文伯之會部議之作則  
亦身念所至之館事躬其  
以如書成值初出稿相示謹  
序其端民國廿三年十月  
十日姻姪好結人際



年譜

府君姓周氏諱慶雲字景星一字逢吉號湘齡別號夢坡浙江吳興  
縣人原稱烏程縣先世居餘姚西鄉水閣村始遷祖 聖能公諱文魁懋  
遷有無往來吳興乾隆辛巳遂卜居縣之南潯鎮是爲 府君高祖  
配 張太孺人生 東橋公諱恆是爲 府君曾祖配 沈太孺人  
二世皆贈通奉大夫 妣皆夫人 東橋公三子次稻村公諱良苗  
績學能文是爲 府君大父配 許太淑人四子次 味詩公諱昌  
大候選通判加鹽提舉銜是爲 府君本生父配 董太宜人三  
味六公諱昌熾四品銜候選郎中是爲 府君嗣父配 沈太淑人  
稻村公以次二世皆贈資政大夫 妣皆夫人 別駕公三子長  
琴軒公諱慶賢光緒壬午舉人江蘇補用知縣次 蓉史公諱慶  
森附貢生平陽泰順縣學教諭 府君居三嗣 部郎公後附貢生

永康縣學教諭候選直隸州知州前以延初四品銜民政部主事誥

封資政大夫配我 母張夫人誥封夫人子一延初女十一孫四孫

女一曾孫二曾孫女二

清穆宗同治三年甲子 一歲

十一月二十九日申時生於上海城內舊教場旅舍 先是咸豐庚

申南潯三次遇兵庚申五月十二日晨太平軍自震澤撲南潯入東

次入月十六日午又自平望入鎮傷人最多越日退是為第一次第二次十二月十七日又至如前亦未刻退是為第二次時 別駕

公業絲不恆居家事急 董太夫人先期奉 許太夫人避兵於鄉

既與 別駕公會迺轉輾徙上海僦屋城中馬姚街左近馬姚街本

在長生橋西北與姚家街相近舊傳姚宅姚二馬姚街上海志所不載當在馬姚街附近一帶 辛酉冬太平軍逼上

海擬買舟為浮海計越歲同治壬戌圍解辛酉冬屯青浦嘉定間之

東經江灣大場入上寶界其駐浙江乍浦者復沿海塘直入奉賢繼陷川南遂及周浦浦東西同時告警壬戌春王家寺太平軍亦分兵

寶山直逼吳淞口青嘉軍出臨北川南軍駐高  
橋並爲聲援會清皖楚軍合外兵來攻始退  
更徙舊教場賃瞿君

### 止園宅

十二月 許太夫人年七十誠 別駕公等輟慶振貧恤嫠後歷十  
餘年不倦

是年二月清蘇軍復嘉興浙軍復杭州 三月太平軍忽一夕棄南  
潯土城西潰居民初未知越數日蘇軍至潯始設善後局 七月蘇  
浙兩軍合力攻晟舍太平軍棄湖州浙軍遂入城 秋冬間南潯官  
紳亦毀東柵土城清理街衢

同治四年乙丑 二歲

部郎公設申昌絲號 咸同間 部郎公創業滬上曰申昌以絲經  
爲主兼營棉花絲吐蛾口繭等品至是始與 叔祖芸齋公分力合  
作南潯積聚 芸齋公主之上海輪售 部郎公主之  
南潯物產絲  
爲大宗是時

互市初開外商求貨庚申遭兵絲行每擇市梢便易之地置櫃收絲  
裝置舟中權宜貿易壬戌地方粗安有所謂軍帥師帥旅帥者設卡  
抽釐置官絲行四家北柵吳晉昌南柵卜同昌西柵莊恆慶李恆鼎  
四行保結然後得開大概每包八十斤捐洋十六元又納零費八元  
行中每日進絲悉經司事查錄絲船往滬亦以鎗船護送至威澤安  
然出境歸則販米至滬故經紀小民避難鄉間者不至絕粒是絲商  
冒鋒鏑歷艱險往來營運雖為身家謀亦為農村生計謀也壬癸間  
又出資購米以濟孤寒冬製棉衣人得一襲滬人雖遭難數年皆賴  
寓滬絲商陰為周濟溫先生鼎庚申紀略  
所云出財出力大有造於滬者非虛言已

同治五年丙寅 三歲

別駕公奉 許太夫人返南潯賃屋河西新開河 府君居潯始此

謹案 府君文存劉紫同君小傳云時予家賃屋而居臨水數椽與劉氏書室僅一牆之隔當即指此

同治六年丁卯 四歲

別駕公延桂琴甫先生 授 琴軒公 蓉史公讀因所居湫隘借

館於 部郎公及 芸齋公所新建之華尊樓 南潯志桂先生榮傳云晚年館于同里周

氏之華尊樓周氏藏書甚富得博覽羣籍寒暑不釋卷傳志重修多資採訪



同治七年戊辰 五歲

部郎公及 芸齋公新宅次第落成謹案部郎公及芸齋公合

鳩溪曰怡園有梅花仙館華尊樓清遠樓及友石亭亭以曾藏徐山民紫藤花館石刻得名 芸齋公有碑記

同治八年己巳 六歲

延金筱庭先生恩綬授 琴軒公 蓉史公讀仍借館華尊樓筱庭

子吳澧人與 芸齋公交甚厚工駢文下筆千言不休

別駕公業絲恆買於外至是始自專其業設申泰行得絲韓里為著

最細絲亦稱經絲可為級經肥絲則織綢綾得多細絲肥絲絕少絲行有京莊廣莊經莊劃莊鄉莊之別申泰行有得號無申號進絲則

轉申昌申號運赴海外

同治九年庚午 七歲

隨 琴軒公 蓉史公從筱庭先生學

同治十年辛未 八歲

年  
詩  
仍從筱庭先生學 府君在塾年最幼聰穎誠篤得師期許師因以  
長洲錢槩之字字之

同治十一年壬申 九歲

仍從筱庭先生學

蓉史公在塾失足墜樓幾傷左臂

謹案蓉史公有自述詩及此云在借館華萼樓時

是年 部郎公創設閔行救生局 浦南爲潯滬絲船往來要道每

遇風濤輒虞覆舟 部郎公時爲上海絲業會館董事聞而憫之謀

諸同業鄉人陳竹坪太世丈

照元

劉貫經太姻世丈

鏞

等由絲商籌

款設局於春申閣之東偏捐置市產爲經常費稟道立案勒石局中

同治十二年癸酉 十歲

仍從筱庭先生學

是年 許太夫人七十有九不舉壽觴斥錢五百緡爲放生會嘉善

鍾子勤先生文蒸作記桐鄉沈毅成舅祖善登書丹歸安沈仲復中

丞秉成為跋勒石祠壁

部郎公始仿日本成法紡經 合二絲為一以車紡之成經舊有是法惟出口者尙有絲無經是年 部郎公始向洋商取得日本經條令震澤之雙楊鎮人向紡蘇經者為之蘇經順搖由左旋右而日經則逆搖由右旋左且條分亦粗細不同乃改造大車所紡之經每條約重四兩凡二十五條得經百兩謂之一把一千二百兩謂之一包質佳工廉法美兩國各來購求洋經銷路自此大暢

同治十三年甲戌 十一歲

仍從筱庭先生學

十月十五日 許太夫人卒享壽八十謹案譚先生獻撰 許太夫人傳云因材教子或買或讀

循分立身兵事起避地上海時仲子叔子商業慎裕家日起婚嫁畢而夫人綜家政力儉以率後人益好施子亂定還南潯子承母志恆

全  
訓  
創義舉以  
慰親心

十一月南安橋新宅落成 別駕公奉 許太夫人神主徙居焉

清德宗光緒元年乙亥 十二歲

仍從筱庭先生學始移館家中

是年 琴軒公入郡庠

光緒二年丙子 十三歲

仍從筱庭先生學畢五經

是年 部郎公又設太湖救生局 時金筱庭先生以太湖救生局

亂後隳廢請踵厥成乃就上海絲業公所每包撥提捐銀二分充經

費呈准蘇浙當道設局胡樓甯壽寺中而以 芸齋公及筱亭先生

等董其事

光緒三年丁丑 十四歲

仍從筱庭先生學

是年 蓉史公入邑庠

光緒四年戊寅 十五歲

仍從筱庭先生學始爲文

謹案筱庭太夫子熙丞世文是年隨侍與府君甚相得

光緒五年己卯 十六歲

是夏金筱庭先生病張質人孝廉

堯途代之

歲杪筱庭先生以病辭 別駕公堅留不獲迺薦嚴珊枝先生

文輝

以自代

是年申泰行因存絲難銷輟業

謹案見蓉史公自述詩

光緒六年庚辰 十七歲

從嚴珊枝先生學 始應試

冬十二月金筱庭先生卒於吳淞

別駕公卒中偏左將成癱瘓急服聖濟大活絡丹竟愈後不復發

謹案

府君每年施送活絡丹以此

光緒七年辛巳 十八歲

從嚴珊枝先生學

秋應院試學政工部侍郎太和張霽亭宗師

灑卿

取入縣學

正場首題或曰

性可以爲善可以爲不善是故文武興則民好善次題言近而指遠者善言也詩題十里秋風紅菡萏得秋字先是 別駕

公督課 府君等甚嚴至是均遊庠 琴軒公是科又列優等補廩

膳生

十月我 母張夫人來歸江蘇震澤吳家兜移居本鎮候選運同

外王父採山公諱博文次女也

光緒八年壬午 十九歲

仍從嚴珊枝先生學

秋隨 琴軒公 蓉史公赴省試有赴試省垣夜泊新市詩詩見集中始此 府君因病未入闈

琴軒公舉於鄉至省謁座師 府君隨行

十一月赴上海有海上夜遊詩

十二月宗祠落成 祠在墨溪經始是年孟秋凡屋十四間 部郎公有記

光緒九年癸未 二十歲

二月初二日 部郎公卒於滬得年五十有二無子以 府君及

芸齋公四子 之藩公嗣 部郎公業絲通外國文字爲西商所信

任滬創絲業會館籌畫尤多又倡設新睦育嬰堂閔行太湖兩救生

局二十年中東南捐振皆與錢塘施少欽先生爲之倡卒後 府君

繼業絲往來蘇杭潯滬讀書外兼習賈自此始 部郎公既創洋經

府君又議增方經大經花車經皆盛行海外 時雙楊一帶紡經

者感 部郎公開風氣子孫賴以衣食聞其卒皆悼惜有泣下者越

二年冬就社廟中別營一龕謹奉 部郎公粟主祀焉謹案譚先生

公附傳云讀書推暨義理不事華藻性謙竺從諸兄後退然不欲勝人未弱冠從買滬上久而成業遭亂不困侍賢母許太夫人耳熱感

應果報之說遂  
孳孳爲善也

五月長姊生命名延禧

七月十四日 董太夫人卒年五十有四此半年中 府君於所後

所生兩遭大故哀痛可知謹案楊先生葆光撰 董宜人傳曰宜人

生子女五人皆自乳哺亂定歸里勤儉一如昔時五十歲後婚嫁都

畢辭濯猶不倦諸子婦效之且請少息則曰吾非不知今日之可以

安逸而故爲是也誠欲使子孫知勤儉足以持久而奢惰之足以敗

家也人情莫不好逸而惡勞孰知孰安逸即足以蔽其身傾其家耶

吾雖老猶不敢存此念以蔽我精神則凡少者與夫老而未及吾者

其可不吾若耶吾無厚望於子孫能守吾之勤儉以強其身保其家

則吾願畢矣於是周氏內外戚族聞宜人之言而因

以習於勤儉者甚衆而子孫恪守懿訓固不待言矣



光緒十年甲申 二十一歲

七月卜葬 董太夫人於本邑想字四圩新成村

冬卜葬 部郎公於本邑糟字一圩胡家兜

光緒十一年乙酉 二十二歲

秋赴杭始應省試

謹案此後己丑辛卯癸巳甲午丁酉諸科皆應試

九月二姊 生命名延禎

光緒十二年丙戌 二十三歲

春賦青溪歸棹詩

冬 從伯祖榆齋公率族衆奉 列祖粟主入宗祠

光緒十三年丁亥 二十四歲

劉貫經太姻世丈新營小蓮莊徵如丈有詩紀事 府君次韻和之

閏四月二十五日 沈太夫人卒年五十有一

謹案楊先生葆光撰部郎公 沈恭人

合傳云二十年中東南捐振義聚仁粟每歲絡繹君皆先之沈恭人綜理微密又善相之是以事無不舉君嘗客石門姚氏自姚氏中落君貸白金五千及君病亟與沈恭人謀召姚氏子與訣而焚其券嗚呼難矣世固有丈夫慷慨好義欲行其德而阻於幃門之議者矣今君孜孜爲善惟日不足而沈恭人多贊成之其合於詩人交儼之美不已多乎 初譚先生撰 部郎公傳未及燔券一事 府君以歲月已久先德不彰無以昭示子孫壬寅夏寓書宣平補敘及此卽今合傳云

六月 三姊四姊

孿生命名延祥延禕

四姊於壬辰年閏四月殤庚戌十一月冥適歸安許句容縣知

縣諱文藩子  
花農諱德曼

十二月合葬 沈太夫人於本邑糟字一圩胡家兜

光緒十四年戊子 二十五歲

七月 延初生

光緒十五年己丑 二十六歲

是年四月 榆齋公等以祠堂公產稟縣存案

光緒十六年庚寅 二十七歲

秋赴吳門賦留別庭桂詩 時歐美繅製更新土絲墨守成法銷滯  
耗重遂輟絲業

光緒十七年辛卯 二十八歲

春赴杭州爲張竹齋太姻丈襄理釐務 府君業鹽自此始

四月過甬江留月餘赴岱山 岱山四面環海沿海皆鹽場光緒辛

巳而後商收章制燦然漸備

辛巳官商會同到岱設收緝局併三廠爲一曰五屬公廠推舉當地紳耆八人

爲鹽董又於板戶中立板長凡三十九人按照查實板數釘定烙印給予板照乙酉編訂章程按板定期收鹽每年以八期爲率每板每

年收鹽一百五十勛有增無減時

府君以席豐履厚之身驟處懸畧僻壤職司報

銷月得十金顧猶恪恭將事不敢稍懈暇復默察其地民風與廠中  
收捆秤放情形下及製鹽之時灌場爬泥做溜挑滴攤板推鹽掘溜  
諸法又與武進劉先生紹晁宣城查先生禧藉詩酒之會縱論釐務  
得失收運大端了然心目後此筦領釐綱興革悉當實基於是

九月二十七日 別駕公卒享壽六十有六 別駕公承 許太夫

人志多隱德嘗與 榆齋公創爲有筭之蓋以掩骨骼用免傾圮一

鄉稱善士至是卒 府君哀毀之餘病甚踰月始愈謹案譚先生獻

傳云居恆走鄉里揜骼埋屍春秋無間卹廢惜字默行  
不倦人往往不知其名助成屬婚喪有謝者輒匿避

十二月六日 生命名延禮

是冬留杭理鹺務在省寓度歲 府君居杭始此

光緒十八年壬辰 二十九歲

在杭辦理餘姚岱山兩場收鹽事宜 治私之法曰緝與收兩浙發

帑收鹽自雍正始軍興而後帑鹽既廢繼以商收商收首推餘岱蓋

鹽皆曬製本輕成易又因海水遷變滷質濃厚冠兩浙同治辛壬間

既准商收遂得化私爲官光緒六七兩年定餘岱曬鹽板片給價收

買並運銷章程復定餘岱收私章程漸鹺至此大進惟斥鹵無窮商

資易竭故自 府君接辦以來收銷並重凡餘岱廠鹽運行綱引各

地與場鹽分成搭銷者要皆通籌全局爲酌劑盈虛之計是時章程餘姚鹽配

銷蘇五屬商引五府八縣並嘉湖而又會官紳查曬板以減產私設

綱引岱山鹽配銷蘇五屬商引商巡佐官緝以杜銷私整飭紀綱隱裕國課無算辛亥岱山設場餘

姚亦改收緝局爲場署並以石堰場併入焉其後餘岱鹽產竟逾兩

浙全場之半民國十七年兩浙暨松江產鹽五百零一萬兩場鹽民

藉以安其業樂其生者何止數十萬說者謂兩浙鹽務得力於商廠

收鹽信然

中秋 府君與我 母六十合壽賦詩四章有借得餘齡彌我缺平

分六秩與眉齊之句時 府君年二十九生十一月二十九日我

母年三十一生四月二十九日哀多益寡每逢中秋令節適爲合壽

之辰嗣後越五年輒開家讌始此

光緒十九年癸巳 三十歲

延畢吟秋師景誠館於家授延初讀

六月七妹 生命名延祉

十月作隸源序 府君規撫漢碑恆病隸體不備因取顧氏南原隸

辨分韻之五卷手錄一通中有疑義通段者輒為詳註寫成名曰隸

源裝為五冊未梓

光緒二十年甲午 三十一歲

秋任湖屬經商經理完課疏銷事宜

十月八妹 生命名延祐

是年朝鮮事起吾軍東敗於日賦秋柳四章用漁洋山人韻蓋感時

作也謹案詩云幾度霜風欲斷魂美人哀怨到長門舞餘翠袖香偏冷愁檢青衫淚有痕疏雨寒煙疑是夢丹楓烏白別成村當年

曾荷東皇寵榮辱難教一例論 千條萬縷盡籠霜煙雨前頭指驛塘羌笛淒清頻到枕征衫零落欲傾箱眼開道左猖狂阮身老牆東

隱逸王如此飄蕭空惹恨可堪重對善雞坊曾記當年什染衣依依  
風景是耶非門前走馬人游倦月下啼鳥客夢稀幽谷漸聽鶯罷織  
雕梁望斷燕來飛金城休憶桓宣武祇覺攀條壯志違章臺回首  
更誰憐好夢于今散似煙蒲質蕭蕭同委地蘆花瑟瑟讓飛綿龍池  
春小曾三月雁塞風高又一年情  
緒絲絲忘不得管人離別大隄邊

光緒二十一年乙未 三十二歲

借鈔姚江族譜成謹案府君姚江族譜書後有云予業浙遊綜海  
濛收鹽事宜嘗與餘姚人士往還訪得吾族道光

朝重修開元大本堂宗譜十巨冊喜甚歲乙未遂命延錄攜歸細讀  
知是譜奉元公會祖從遠公爲始祖而元公之孫季友始遷姚江之

豐山元公之五世孫再徙於開元鄉汝仇里葉郎橋冠以開元二字  
誌開族之地也蓋徙開元後得十二派曰明樓曰高屋曰竹塹曰花

壇曰水閣曰東牆旣曰西塘下曰陶家堡曰槐樹下曰東莊曰蘭畹  
曰南塹而水閣又分三支考從遠公第十六世孫瑜公生三子長曰

孟堅分後水閣次曰孟誠分南水閣三曰孟宏分中水閣而以此三  
支考之不得其要領復以聖能公與公弟文表分析書中居間族人

證以他房之譜亦無所得因悟是譜成於道光二十三年序云距前  
次修輯已閱七十載蓋前修譜時在乾隆四十六年而聖能公遷潯

則在二十六年相隔二十年之久是乾隆舊譜已失載矣安得復有  
所考哉因將原譜錄其序列及世系總叙等十一卷又後水閣房一

卷以歸之其所錄之譜裝成  
四冊存諸宗祠以備參考云

冬由附生於本省紳富捐輸案內報捐貢生并捐遇缺儘先選用復設教諭

是年馬關條約成 府君感懷國事往往寓之於詩讀史二章激昂慷慨始爲變徵之聲

光緒二十二年丙申 三十三歲

三月偕黃子言太姻丈 福綸 張定甫姻丈 寶善 石銘孝廉 鈞衡 乘舟

至七里瀧登巖子陵釣臺謝皋羽西臺歸泊雲棲同遊適得七人有

竹林雅集圖

九月 九妹 生命名延祚

十月十五夜忽夢蘇文忠公與十年前所得蕉葉白硯背鑄之像面目正同晤對間似曾相識叩以山水何處最勝答曰金焦雄渾醒而識之遂署夢坡



光緒二十三年丁酉 三十四歲

正月偕我 母至永泰訪醫遂遊杭探南北山裏外湖吳山諸勝留  
十日而返

九月省試榜發薦而未售 是科首場三藝皆簡練不滿四百字為

房師昭文黃念杞大令福元所賞識乃得而俛失僅獲堂備謹案房

場要言不煩次三明明淨第二場疏解磅礴藻采飛騰第二場善於翦裁迥異鈔胥家數堂批瑩潔備時強鄰窺伺憂國

之士競言變法 府君迺益研求經世之學絕意進取

十一月二十三日為延初聘歸安雙林鎮蔡翰林院待詔銜附貢生

德鄰公諱世錄女

十二月德據膠州濟作歲暮有感詩有干戈漸欲逼殘年幾輩空持

祖逖鞭之語

光緒二十四年戊戌 三十五歲